

**ՆԱԽԱԳԻՐՈՒԹՅՈՒՆՆԵՐԻ ԳՈՐԾԱԾՈՒԹՅՈՒՆԸ ԴԱՍԱԿԱՆ ԳՐԱԲԱՐ
ԻՆՔՆՈՒՐՈՒՅՆ ՄԱՏՆԵԱԳՐՈՒԹՅԱՆ ՄԵՋ**

Ժ. Բ. ԹՈՍՈՒՆՅԱՆ

Իրարարի սլառմության առաջին շրջանը, որ հայտնի է մեսրոպյան կամ դասական անուններով, ընգրկում է V դ. առաջին կեսը: Այդ շրջանից մեջ հասել են ինքնուրույն և թարգմանական բազմաթիվ դործեր: Դասական գրաբարի հայ ինքնուրույն երկերն են Ծղնիկ Կողբացու, Կորյունի, Փավստոս Բուզանդի և Ազարթանգեղոսի ստեղծագործությունները, որոնց լեզուն տարբերվում է հոգասական շրջանի մատենագրության լեզվից: Դասական շրջանում, ինչպես նշում է պրոֆ. Գ. Զահուկյանը, գրական և խոսակցական լեզուները հիմնականում համընկնում էին¹: Այդ պատճառով էլ այս շրջանի գրական լեզվի առանձնահատկությունների ուսումնասիրությունը շատ կարևոր է խոսակցական լեզվի օրինաչափությունները հասկանալու համար: Նորաստեղծ շրջանում մասամբ լեզվի ներքին զարգացման, մասամբ էլ այլ լեզուներից կատարված փոխառությունների ու նորամուծությունների հետևանքով աստիճանաբար մեծանում են գրական և խոսակցական լեզուների տարբերությունները: Այս հանգամանքը նկատի ունենալով՝ նախադրությունների ուսումնասիրության համար որպես աղբյուր ընտրել ենք դասական գրաբարի հայ ինքնուրույն մատենագրությունը:

Առարկաների և երևույթների միջևեղած հարաբերություններն արտահայտվում են առաջին հերթին հոլովների միջոցով: Այդ հարաբերությունների մի մասն էլ արտահայտվում է այնպիսի բառերի միջոցով, որոնք գրաբարի քերականության մեջ կոչվում են նախդիրներ ու նախադրություններ և գրաբարում լայն կիրառություն են ունեցել: Նշենք, որ հայ քերականները հենց սկզբից դրանք ընդունել են որպես առանձին խոսքի մաս, քննելով «նախադրություն» ընդհանուր անվան տակ: Ելնելով նախադրությունների կատարած պաշտոնից՝ դրանք հետագայում բաժանվել են երկու տեսակի՝ հոլովակերտ (հոլով կերտող) և հոլովառու (հոլով առնող)², որոնց փոխարեն ավելի ուշ սկսեցին գործածվել նախդիր և նախադրություն անվանումները³:

Ե՛վ նախդիրները, և՛ նախադրությունները սպասարկու բառեր են, որոնք արտահայտում են քերականական զանազան հարաբերություններ: Սակայն եթե նախդիրները կորցրել են իրենց բառական անկախությունը, ապա նախադրությունները հոլովական կապակցություններից դուրս էլ պահպանում են այն⁴:

1 Գ. Բ. Զահուկյան, Հայոց լեզվի զարգացման փուլերը, Երևան, 1964, էջ 35, նույնի՝ Հայոց լեզվի զարգացումը և կառուցվածքը, Երևան, 1969, էջ 36:

2 Մ. Սևրաստացի, Քերականություն գրաբար լեզվի հայկազան սեռի, Վենետիկ, 1730, էջ 173:

3 Գ. Ավետիքյան, Քերականություն հայկական, Վենետիկ, 1815, էջ 101—102:

4 Ա. Ա. Արազաճյան, Գրաբարի ձևաբանություն, Երևան, 1952, էջ 296:

Մեր քերականներն ու լեզվաբանները նախադրությունների մասին խոսելիս նշել են դրանց արտահայտած հիմնական իմաստները միայն⁵։ Մենք փորձել ենք սահմանազատել նախադրությունների և որպես նախադրություն գործածվող բառերի բոլոր այն իմաստներն ու իմաստային նրբերանգները, որոնք դրսևորվել են վերոհիշյալ շորս հեղինակների գործերում։

Նախադրություններն արտահայտում են տեղի, ժամանակի, ձևի, պատճառի, նպատակի, վերաբերության, միասնության, բաղդատության, ընդդիմության, չափ ու քանակի և քերականական այլ հարաբերություններ։ Նրանք իրենց խնդիրների հետ միասին հանդես են գալիս մեծ մասամբ որպես պարագաներ, երբեմն էլ՝ որպես խնդիրներ։ Նախադրություններն արտահայտում են ավելի տարբերակված հարաբերություններ և այնպիսի իմաստներ, որոնք հնարավոր չէ արտահայտել միայն հոլովների միջոցով։ Ստորև կանդադառնանք նախադրությունների և իբրև նախադրություն գործածվող բառերի կիրառություններին տրական, հայցական, բացառական և գործիական հոլովների հետ⁶։

Տրական խնդրով նախադրություններ— Մեսրոպյան շրջանի հայ ինքնուրույն մատենագրության մեջ տրական հոլովի հետ գործածվել են մի քանի նախադրություններ, ինչպես՝ առ ընթեր, դէպ, ի միջի, հակառակ, հանգոյն. միաբան, նման և այլն, որոնց մեծ մասը ածականներ են, բայց կիրառվում են նաև իբրև նախադրություն։ Դրանք հիմնականում արտահայտում են տեղի, վերաբերության, նմանության և այլ հարաբերություններ։

Առ ընթեր նախադրությունը սովորաբար գործածվում է նախադաս, արտահայտում է «մոտ», «կից», «կողմից» իմաստները և իր խնդրի հետ մեծ մասամբ լինում է տեղի պարագա։ Օրինակ՝ «Առ ընթեր նմա զհիւն դնեն» (Եզն., էջ 25)⁷։ Հանդիպում է նաև հտադաս գործածությամբ։ Այս դեպքում առ նախդիրը դրվում է նաև խնդրից առաջ։ Օրինակ՝ «Ամպք... առ եթերացն առ ընթեր լցեալ ուռուցեալ... Զարարչին հրամանս կատարեն» (Ագաթ., էջ 283)⁸։

Դէպ նախադրությունը միշտ դրվում է նախադաս և ցույց է տալիս ուղղության հարաբերություն՝ «դեպի», «դեպի այն կողմը» նշանակությամբ։ Տվյալ շրջանի մատենագրության մեջ շատ սահմանափակ գործածություն ունի։ Կորյունի, Ագաթանգեղոսի և Բուզանդի երկերում բոլորովին չի հանդիպում, իսկ Եզնիկի «Եղծ աղանդոցում» գործածված է միայն երկու անգամ։ Դրանք են՝ «Կայցէ արեգակն հանդէպ ձորոյն Գաբաւոնի, և լուսին դէպ դաշտին էլոնայ» (Եզն., էջ 189)։ «Յորժամ կշիռ դէպ արեգական պատահիցէ՝ յայնժամ խաւարի արեգակն» (Եզն., էջ 201)։

Ուշ շրջանում գործածվում է դէպ ի կազմությամբ, որը խնդիր է վերցնում հայցական հոլովով։

Ի միջի նախադրությունը ընդհանրապես խնդիր է ընդունում սեռական հոլովով, բայց ստացական դերանունների մոտ, որոնց հետ ավելի շատ է գոր-

⁵ Հմմտ. Մ. Զամչյանց, Քերականություն հայկազյան լեզվի, Վենետիկ, 1779, էջ 118—123։ Ա. Բագրատունի, Հայերեն քերականություն ի պետս զարգացելոց, Վենետիկ, 1852, էջ 119—130։ Ա. Ա. Աբրահամյան, նշվ. աշխ., էջ 302—305։

⁶ Սեռական խնդրով նախադրություններին անդրադարձել ենք մեկ այլ հոդվածում։

⁷ Եզնիկի Կողբացի, Եղծ աղանդոց, Վենետիկ, 1826։

⁸ Ագաթանգեղոս, Պատմութիւն Հայոց, Տփղիս, 1909։

ծածվում, խնդիր է առնում նաև տրական հոլովով: Առհասարակ դրվում է խնդրից առաջ և արտահայտում է հետևյալ իմաստները.

ա) «մեջ», «ներսում» (ներգոյականի նշանակությամբ) և իր խնդրի հետ դառնում է տեղի պարագայ: Օրինակ՝ «Երկիր... ի միջի իւրում ունի զշուրս» (Եղն., էջ 197):

բ) «միջև» (այս դեպքում խնդիրը դրվում է հոգնակի թվով), օրինակ՝ «Մի՛ որ լիցի դատաւոր ի միջի մերում» (Եղն., էջ 248):

Հակառակ ածականը հաճախ գործածվում է որպես նախադրություն, որը լինում է և՛ նախադաս, և՛ հետադաս: Յույց է տալիս ընդդիմության հարաբերություն՝ «դեմ», «ընդդեմ», «հակառակ», «ներհակ» իմաստներով: Օրինակ՝ «Զիք ինչ նմա հակառակ» (Եղն., էջ 13): «Եւ ոչ զոք ունի իւր հակառակ՝ թէ ինքն բաւական արարիչ իցէ և միւսն շարեաց» (Եղն., էջ 144):

Ընդդիմության իմաստը է՛լ ավելի ընդգծելու համար մատենագիրները երբեմն սրան զուգահեռ գործածում են նաև նրա ընդդէմ հոմանիշը: Նման կիրառության հանդիպում ենք Բուզանդի մոտ, այսպես՝ «Իսկ ես ո՛վ եմ, զի աղաչես դու զիս, իբրև թէ ես այլ մի տառապեալ կարիցեմ հակառակ ընդդէմ կամացն՝ զոր ինչ կամիցի առնել Աստուած՝ առնել առ նա աղօթս, զի այնու շրջիցեմ զկամս նորա» (Բուզ., էջ 164)⁹:

Հանգայն, համեմատ, հաւասար, միաբան, նման ածականները ևս երբեմն, ինչպես արդեն նշվեց, գործածվում են իբրև նախադրություն, որոնք արտահայտում են բաղդատության, նմանության հարաբերություն՝ «պես», «նման», «համաձայն», «ըստ», «հավասար», «համեմատ» իմաստներով և իրենց խընդրի հետ հիմնականում դառնում են ձևի պարագայ: Ավելի հաճախակի հանդիպում ենք հանգայն և նման նախադրություններին:

Վերոհիշյալ հինգ նախադրությունները քննարկվող մատենագիրների երկերում սովորաբար ունեն նախադաս գործածություն, բացառությամբ միաբան բառի: Օրինակ՝ «Երկրորդն հանգայն նմին պատուիրէ» (Կոր., էջ 76)¹⁰: «Եւ տեսանելով քան զայլս գեղեցիկ, զանազան՝ որ համեմատ նմա այլ ոչ գտանէր» (Բուզ., էջ 43): «Ներքինիք... զանձինս իւրեանց արարին ներքինիս... լինել ի յարութեանն հաւասար հրեշտակաց» (Եղն., էջ 288): «Զի ոչ երբեք գտաւ նման նմա ի մէջ Յունաց աշխարհիս» (Ագաթ., էջ 88): «Ոչ հակառակ օրինացն ուսուցանէր, այլ նմին միաբան» (Եղն., էջ 278):

Հանգայն, հաւասար և նման նախադրությունները երբեմն խնդիր են առնում նաև սեռական հոլովով: Օրինակ՝ «Հանգայն սորա և կարապետն Յովհաննէս ասէր» (Ագաթ., էջ 187): «Զի ոչ ոք է առաջին քան զնա... և ոչ ընկեր հաւասար նորին» (Եղն., էջ 6): «Զի զգիտութիւն Տեառն ի մէջ անցուցեալ, նորա գիտութեամբ զնորա արարածս ճանաչել՝ նորա նման անուանեցաւ» (Ագաթ., էջ 137): Դրանք ունեն նաև հետադաս գործածություն, ընդ որում նման-ը Եղնիկի երկում գործածվել է 5 անգամ, որից երեքը՝ հետադաս: Օրինակ՝ «Զի եթէ իւր որդի էր, նմին նման գոյր և նոյնպիսի» (Եղն., էջ 128): «Եւ երթայր հողմն ուռուցեալ լերինն հաւասար» (Ագաթ., էջ 424):

Հեռուի գոյականի հայցականը երբեմն հանդես է գալիս իբրև նախադրություն, որն արտահայտում է ընդդիմության հարաբերություն՝ «մեկին կամ մի

⁹ Փ աւ ա տ ո ս Բ ու զ ա ն դ, Պատմութիւն Հայոց, ս. Պետերբուրգ, 1883:

¹⁰ Կ ո Ր ի ն, Վարք Մաշտոցի, Երևան, 1941:

բանի հակառակ», «ընդդեմ» նշանակությամբ: Գործածվում է և՛ նախադաս, և՛ ետադաս: Օրինակ՝ «Զի նմա այսպէս թուեցաւ՝ եթէ զայն շար ինչ կամացն հեճուկս ներսիսի առնիցէ ի կենդանեաց առ մեռեալս, վասն թշնամութեանն» (Բուզ., էջ 194): «Եւ առ վայրենի բարուցն իւրոց՝ զոր ունէր յանձին իւրում, իբրև նմա հեճուկս առնելոյ, ութ հարիւր այր՝ որ կային ի կապանս առանց յանցման՝ ետ ածել առաջի նորա» (Բուզ., էջ 21)¹¹:

Հայցական խնդրով նախադրություններ— Զգալի բանակությամբ նախադրություններ պահանջում են հայցական հոլովով խնդիր, ինչպես՝ անդր փան, առաւել փան, աւելի փան, արտաքին փան. դէպ ի. թող, իբր, իբրև, իբրու, հուպ, մերձ, մինչ, մինչև, մօտ. ուրպէս, ի սակս, փան, ի վեր փան, ի վերոյ փան. յառաջ փան, յառաջագոյն փան, նախ փան և այլն: Դրանց մոտ կեսը, ինչպես ցանկից էլ երևում է, կազմված է փան-ով: Իսկ փան բաղադրիչով կազմված բոլոր նախադրություններն էլ առհասարակ պահանջում են զ նախդիրը կրող հայցականով խնդիր:

Հուպ, մերձ, մինչ, մինչև, մօտ նախադրությունները վերցնում են տրականի իմաստ արտահայտող հայցականով խնդիր (նախդիրով տրական), որոնց զուգահեռ գործածվում են առ. ի և զ նախդիրները:

Անդր փան նախադրությունը ունի նախադաս գործածություն, նշանակում է «այն կողմը», «ավելի այն կողմը» և իր խնդրի հետ դառնում է տեղի սլարագա: Օրինակ՝ «Զի չև ևս անդր փան զնա որ» (Աղաթ., էջ 180):

Միատեսակ կիրառություն ունեն ավելի փան և առաւել փան նախադրությունները, որոնք դրվում են խնդրից առաջ և արտահայտում են «ավելի», «ավելի վեր», «ավելի բարձր», «գերազանց» իմաստները: Օրինակ՝ «նախ մարդ՝ որ առաւել փան զնոսա է» (Եղն., էջ 102): «Զայս և բազում և ավելի փան զսոյնս խօսեցաւ առաջի Արշակայ արքայի և առաջի ամենեցուն» (Բուզ., էջ 217):

Արտաքին փան նախադրությունը գործածվում է միշտ նախադաս՝ «դուրսը», «դուրս», «բարձր», «գուտ», «հեռու» իմաստներով: Օրինակ՝ «Գիտաց՝ թէ գոյ այլ աստուած արտաքին փան զնա» (Եղն., էջ 248): «Բայց Աստուած հոգի կենդանի է... արտաքին փան զամենայն մարդ» (Աղաթ., էջ 179):

Նույն իմաստով կիրառվում է նաև արտաքին փան նախադրությունը: Օրինակ՝ «Զի չիք ինչ արարած բանաւոր արտաքին փան զայս երիս քոկս» (Եղն., էջ 97):

Թող. իբրև նախադրություն գործածվելիս դրսևորում է բացառման հարաբերություն՝ «առանց», «բացի», «զատ», «չհաշված» նշանակությամբ. պահանջում է որոշյալ հայցականով խնդիր, որից միշտ առաջ է դրվում: Օրինակ՝ «Եւ այլ յայսմ ազգաց և ի խոնարհ որ գործակալս անուն բարձիւք առաջի արքային պատիւ ի զլուխ բազմէին. թող զնահապետս մեծամեծս և զտանուտեարս՝ որք գործակալք միայն էին, ինն հարեւր բարձ՝ որ մտանէր ի ժամ տաճարին ուրախութեանն բաղմակալացն կարգելոց. թող զոտնկայս գործակալութեանն սպասու» (Բուզ., էջ 57):

Իբր, իբրև, իբրու, ուրպէս նախադրություններն արտահայտում են բաղադրության, նմանության հարաբերություն՝ «պես», «նման», «ինչպես», «որ-

¹¹ Ըստ երեւոյթին, այսպիսի կիրառությունից է առաջացել հեճուկս առնել բայական հարադրությունը:

սյևս», «շափս», «մոտս» իմաստներով: Բոլորն էլ ունեն նախադաս գործածություն: Մենարոպյան շրջանի ինքնուրույն մատենագրության մեջ ավելի հաճախ հանդիպում են իբրև և որպէս նախադրություններ, իսկ մյուսներն ունեն սահմանափակ դործածություն: Օրինակ՝ «Զի ոմն զգայլոյ կորին սնուցանէ, և իբր յշան կորինս՝ առ ընտելութեան ընդ անձն անկանին» (Եզն., էջ 69): «Եւ տեսին զօրսն Պարսից, զի ոչ գոյր թիւ բազմութեանն, զի էին իբրև զաստեղս Լրկնից, և իբրև դաւազ առ ափն ծովու» (Բուդ., էջ 17): «Եղէ ես որպէս զխուլ՝ որ ոչ լսէ, և իբրև զհամր՝ զի ոչ բանայ զբերան իւր» (Ագաթ., էջ 47):

Այս նախադրությունները, որոնցով դրսևորվում է բացահայտյալ-բացահայտիչ հարաբերություն, նայած նախադասության այլ անդամների հետ ունեցած առնչության, կարող են խնդիր ստանալ նաև մյուս հոլովներով: Այսպես՝

Ուղղակա՞ն հոլովով. «Երկինք և երկիր անօթք Լտեղակալք են հաստատուայր յարարէն... և լուսաւորեն իբրև անգոռնք լուցեալք» (Եզն., էջ 159): «Եւ նմա յիւր րարիս իւրհեցայ որպէս հայր որդւոյ կատարել նմա, և նա ինձ շար ընդ րարոյ հատուց» (Բուդ., էջ 140):

Սեռականով. «Սակայն և անդ իբրև ի վերայ որդւոց հատուցելոց հայրաբար ղթացալ րարեղործէ» (Ագաթ., էջ 147):

Տրականով. «Իբրև արդարոյ արժան էր իւրհե՛լ՝ թէ զի՞նչ օգուտ զի ես աւնեմ» (Եզն., էջ 259): «Բաղում սպասաւորութիւն իբրև հաւասարի որդւոյ վարդապետին տանէր» (Կոր., էջ 60): «Թէ թշնամւոյն շաղթես որպէս բեզ, տալա լաւ է շաղթիլ» (Եզն., էջ 304):

Բացառականով. «Զի ամենայն մարդ իբրև զհօրէ ի կարի առնէին զնմանէ» (Բուդ., էջ 218): «Գոչէ մարդարէն առ Հայր, իբրև յամենեցունց բերանոյ» (Ագաթ., էջ 321): «Աստուածասէրն յիւր կամացն որպէս ի թշնամւոյ զգուշանայ» (Եզն., էջ 299):

Գործիականով. «Այլ փակեալ զերկինս իբրև սրահակաւ իմն» (Ագաթ., էջ 277): «Նախ կրթեաց քարոզովքն և մարդարէիւր՝ իբրև կաթամբ, և ասլա եկն տալ զկատարեալ վարդապետութիւնն» (Եզն., էջ 231):

Միմյանց հոմանիշ են մերձ և մօտ նախադրությունները, որոնք ընդունում են առ կամ ի նախդիրներն ունեցող (առ-ը սովորաբար անձ ցույց տվող առարկաների անունների հետ, իսկ ի-ն՝ իր) հայցականով խնդիր և ցույց են տալիս.

ա) «մոտ», «մոտիկ» գաղափարը և իրենց խնդրի հետ դառնում են տեղի սլարադա: Օրինակ՝ «Եկեալ յիշելին մերձ ի թագաւորական քաղաքն» (Կոր., էջ 54): «Մօտ առ ինքն կոչեալ հարցանէր» (Բուդ., էջ 74):

բ) ժամանակ՝ «մոտ», «մոտիկ» իմաստով և իրենց խնդրով դառնում են ժամանակի պարագա, օրինակ՝ «Մօտ ի վախճան յայն սերմանէ կոյս մի ծնանելոց է» (Եզն., էջ 142):

Երբեմն մօտ նախադրությունը խնդիր է առնում նաև առ և ի նախդիրները կրող տրական հոլովով: Այս դեպքում ցույց է տալիս տարածական հարաբերություն՝ դադար: Օրինակ՝ «Եւ բանակ գօրացն Յունաց բանակեալ էր անդէն մօտ առ բանակին Հայոց արքային» (Բուդ., էջ 195): «Եւ անդ ոչ ինչ յետ բաղում աւուրց հանգեաւ, և եղաւ մօտ առ Գրիգորի և ընդ հարս իւր» (Բուդ., էջ 28):

Այն հանգամանքը, թե մօտ և մերձ նախադրությունները հոմանիշ են, երևում է նաև նրանից, որ դրանք Լրբեմն գործածվում են նախադասության հա-

մազոր անդամների հետ: Օրինակ՝ «Եւ ածին փոս զբանական իւրեանց մօտ ի լեռոնն ի նպատ մերձ ի գետն Եւփրատ» (Բուդ., էջ 161):

Մօտ նախադրությունը զուգահեռ երբեմն գործածվում է մինչև-ը, օրինակ՝ «Եւ եկն էջ եհաս մինչև մօտ ի յատակ երկրիս» (Ադաթ., էջ 383):

Մինչ և մինչև նախադրությունները պահանջում են առ. ի և ց նախդիրներ կրող հայցական հոլովով խնդիր, ցույց են տալիս տարածական կամ ժամանակային հարաբերություն՝ «մինչև» իմաստով և լինում են տեղի կամ ժամանակի պարագա: Մինչև-ը ավելի հաճախակի է հանդիպում, քան մինչ-ը: Օրինակ՝ «Ի Տարօն հասուցանէին մինչ ի բուն գիւղն յԱշտիշատ» (Կոր., էջ 88): «Կարգ թագաւորացն Յուդայ ձգեցաւ մինչեւ ցմակաբէացիոն» (Եզն., էջ 160):

Երբեմն մինչև նախադրությունը ցույց է տալիս ժամանակային այնպիսի հարաբերություն, ուր նշվում են սկիզբն ու վերջը: Ըստ որում սկզբնականորեն նշող անդամը միշտ դրվում է բացառական հոլովով: Օրինակ՝ «Ի մահուանէն Գնելոյ մինչև յայն ժամանակն թագաւորութեանն Պապայ ոչ էր երթեալ նա ի բանակն արքունի» (Բուդ., էջ 156): «Որ առաջնորդեաց մեզ ի մանկութենէ մերմէ մինչև յօրս և ի ժամս յայս» (Ադաթ., էջ 92):

Նշեցիք, որ առ նախդիրը գործածվում է անձ ցույց տվող առարկաների անունների հետ: Բայց երբեմն հանդիպում ենք ի նախդրի գործածության՝ առ-ի փոխարեն: Օրինակ՝ «Առ հասարակ կլանէր յԱդամայ մինչև ի Մովսէս» (Ադաթ., էջ 175):

Սակս նախադրությունը դրվում է իր խնդրից հետո և արտահայտում է նպատակի կամ պատճառի հարաբերություն՝ «համար», «նպատակով» կամ «պատճառով» իմաստներով: Իր խնդրի հետ միասին դառնում է նպատակի կամ պատճառի պարագա: Մեսրոպյան շրջանի ինքնուրույն մատենագրության մեջ սակս ձևով չի հանդիպում, այլ՝ ի սակս կազմությամբ, այն էլ՝ յայն սակս, յոր սակս կապակցություններում: Օրինակ՝ «Վասն զի անտեւական են մարմինք» յայն սակս մեռանին» (Եզն., էջ 73): «Յօր սակս և հարքն մեր սուրբ եպիսկոպոսք սահմանեցին կանոնս» (Եզն., էջ 287): Առաջին նախադասության մեջ նախադրությունը ցույց է տալիս պատճառի, իսկ երկրորդում՝ նպատակի հարաբերություն:

Գրաբարի ամենագործածական նախադրություններից մեկն է քան-ը: Այսպես, օրինակ, Եզնիկի երկում սրան հանդիպում ենք 107 անգամ, Ադաթանգեղոսի «Պատմություն Հայոցում»՝ 88, Փ. Բուզանդի երկում՝ 71, իսկ Կորյունի երկում՝ 6 անգամ: Դրվում է միշտ նախադաս, վերցնում է որոշյալ (նաև՝ անորոշ) հայցականով խնդիր և արտահայտում է.

ա) բաղդատական հարաբերություն՝ խնդրի համեմատությամբ ավելի կամ պակաս: Օրինակ՝ «Գտանի հիւղն մեծ քան քան» (Եզն., էջ 23): «Որ և մարդ իսկ է, և վատթարագոյն քան զամենայն մարդիկ» (Եզն., էջ 253):

բ) «նման», «պես», «չափ» իմաստները, օրինակ՝ «Ասիցէ թէ քան զհոգմս թեթեւք են» (Եզն., էջ 90):

Քան-ը առաւել, աւելի, արեւաօյ, արեւաւս, անդր, ի ներքայ, ի վեր, ի վերայ, յառաջ, յառաջագոյն, նախ և այլ բառերի հետ կազմում է հարադրություններ, որոնք կիրառվում են նաև իբրև նախադրություն: Դրանցից մի քանիսին անդրադարձել ենք վերևում, իսկ ստորև կանգ կառնենք մյուսների վրա:

Ի ներքոյ քան. դրվում է խնդրից առաջ և նշանակում է «ներքև», «ավելի ներքև» ու իր խնդրի հետ դառնում է տեղի պարագա: Օրինակ՝ «Եւ է մարմին ի վերոյ քան զերակսն արեանն և ի ներքոյ քան զերակսն» (Եզն., էջ 197): Ինչպես այս օրինակից էլ երևում է, սրան հակառակ է ի վերոյ քան նախադրությունը, որն արտահայտում է «ավելի վեր», «ավելի բարձր» գաղափարը: Օրինակ՝ «Եւ արկ զաթոռ նորա ի վերոյ քան զբազումս ի նոցանէ, որք ի սինհոդոսին յայն էին» (Բուզ., էջ 23):

Ի վեր քան. ունի նախադաս գործածություն և նշանակում է «ավելի վեր», «ավելի բարձր», «գերազանց»: Օրինակ՝ «Ապա թէ անկատար էր, յայտ է, թէ էր ոմն ի վեր քան զնա» (Եզն., էջ 118):

Յառաջ քան, յառաջագոյն քան, նախ քան նախադրությունները միմյանց հետևիչ են. դրվում են խնդրից առաջ և դրսևորում իմաստային հետևյալ կրանգները.

ա) «առաջ», «ավելի առաջ» (ժամանակի իմաստով): Օրինակ՝ «Զոր յառաջ քան զամենայն ինչ ասեն» (Եզն., էջ 117): «Որ յառաջագոյն քան զչարշարեն ճաշակեալ լինի» (Ագաթ., էջ 229):

բ) «նախ քան», ինչպես՝ «Եւ զայս աղօթս մատուցանէր երէցն յառաջ քան զմատուցանելն պատարագին» (Բուզ., էջ 189): «Զոր յառաջ քան զյաւիտեանս սահմանեաց Աստուած ի փառս մեր» (Ագաթ., էջ 363):

գ) բացառում, օրինակ՝ «Ընտրեաց զմեզ յառաջ քան զլինելն աշխարհի» (Եզն., էջ 171): «Զթրիսառսի մասն կարօտեալ եղբօրն տուր նախ քան զքո ճաշակելն» (Եզն., էջ 307):

Երբ նախադրությանը հաջորդում է մի այլ նախդիր, զ-ն չի դրվում: Այս երևույթը իր ժամանակին նկատել է հայ անվանի քերական Զալըխյանը¹²:

Բացառական խնդրով նախադրություններ — Մեսրոպյան շրջանի ինքնուրույն մատենագրության մեջ բացառական հոլովով խնդիր են վերցնում հետևյալ նախադրությունները՝ բաց, բայց, ի բացագոյն, ի բացեայ, գաղտ, զանխուլ, զատ, ընդհատ, հեռի, հեռէ, մեկուսի, որիշ, ուրոյն, ի վեր և այլն:

Բաց և բայց նախադրությունները ունեն նման կիրառություն. դրվում են խնդրից առաջ և արտահայտում են բացառման հարաբերություն՝ «բացի», «զատ», «առանց» իմաստներով: Օրինակ՝ «Ի խնդիր արկանէր՝ զնոյն գոյն ձի, զնոյն նշան, զնոյն պատկեր, բաց ի մեծութենէ՝ զի այնչափ ուրեք ոչ գտանէր» (Բուզ., էջ 43): «Ասէ. Ադամ, ես եմ աստուած, և չիք այլ ոք. և բայց յինէն այլ աստուած քեզ մի՛ լիցի. ապա թէ ունիցիս զոք այլ աստուածս բայց յինէն, գիտասցի որ զի մահու մեռանիցիս» (Եզն., էջ 245):

Նման կիրառություններում ի նախդիրը չպետք է վերագրել նախադրությանը, այսինքն՝ դա հարադրություն չէ, որովհետև գրաբարում բացառական հոլովը առանց ի նախդրի չի գործածվում (ի-ն բացառականի հոլովակաղմիչն է): Բայց միևնույն ժամանակ պետք է նկատել նաև այն, որ աշխարհաբարի բացի կապը առաջացել է այսպիսի կիրառությունից:

Իբրև նախադրություն հանդես է գալիս նաև բայց միայն հարադրությամբ, որն ունի նույն կիրառությունը, ինչ նախորդները: Օրինակ՝ «Ամենայն կառք ի-

¹² Զ ա լ ը ի յ ա ն, Քերականություն հայկազնյան լեզվի, Վիեննա, 1885, էջ 449:

համազգեաց երիվարաց լծին, բայց միայն այս¹³ կառաց» (Եզն., էջ 17): «Արարին զամենայն օրողությունս երկրին Հայոց իբրև կարգ միաբանութեան վանականաց համաշխարհի, բայց միայն յամուսնութեան օրինացն» (Բուդ., էջ 63):

Բաց բառից են կազմվել ի բացեայ և ի բացագոյն մակբայները, որոնք երբեմն զործածվում են նաև իբրև նախադրություն՝ «հեռու», «ավելի հեռու» նշանակությամբ: Օրինակ՝ «Որ կայ դէմ յանդիման լերինն մեծի... ի բազնին տեղւոջ է ի բացագոյն իբրև քարընկէց մի ի ներքոյ կուսէ» (Բուդ., էջ 33):

Գաղտ նախադրությունը ունի և՛ նախադաս, և՛ ետադաս զործածություն, արտահայտում է «զաղտնի», «զաղտուկ», «ծածուկ» զաղափարը և իր խնդրով դառնում ձևի պարագա: Օրինակ՝ «Այլ մանուկն Արտաւազդ ի Մանուէլէ զաղտ իկեալ էր ի ճակատն» (Բուդ., էջ 215):

Ի բացագոյն և զաղտ բառերը վերոհիշյալ օրինակներում ունեն նաև մակբայական երանգ:

Նույն իմաստով և կիրառությամբ հազվագեպ հանդես է գալիս զանիւով նախադրությունը: Օրինակ՝ «Այլ մանուկն Արտաւազդ... վառեցաւ կազմեցաւ և եմուտ, զանիւով ի մանուէլեան դնդէն, առ ալին Եփրատ գետոյն» (Բուդ., էջ 215):

Չատ նախադրությունը միշտ զրվում է նախադաս և ցույց է տալիս բացառման, առանձնացման հարաբերություն՝ «բացի», «զատ», «առանց», «առանձին», «անջատ» իմաստներով, այսինքն՝ հոմանիշ է բաց կամ բայց նախադրություններին: Օրինակ՝ «Զի եթէ կարող ոք ինչ էր, նախ իւր տեղիս զաւ ի նմանէ առներ» (Եզն., էջ 71): «Ոչ հաւատային ընդանիք նորա մահուն նորա, թէպէտ և տեսանէին գղութիս նորուն զւտ ի մարմնոյն անտի» (Բուդ., էջ 200):

Ընդհատ ածականը հազվագեպ գործածվում է իբրև նախադրություն և ցույց է տալիս տարբերակման, առանձնացման հարաբերություն՝ «առանձին», «տարբեր» նշանակությամբ: Օրինակ՝ «Թէպէտ բիրապատիկ յանուն օտարին... զոր բարերարն կոչեն՝ ապաւինիցին, չեն ինչ ընդհատ ի հեթանոսաց» (Եզն., էջ 252):

Հեռի նախադրությունը ավելի շատ հանդիպում է նախադաս զործածությամբ, նշանակում է «հեռու» և հականիշ է մօտ նախադրությանը: Օրինակ՝ «Յորմէ աստուածականն հեռի՝ որ ի վեր է» (Եզն., էջ 123):

Հետէ. իբրև նախադրություն զործածվում է ի հետէ կապակցության ձևով, որի նախդիրը զրվում է խնդրից առաջ, իսկ հետէ բաղադրիչը՝ հետո: Արտահայտում է ժամանակային հարաբերություն՝ «հետո», «ներանից հետո», «ի վեր» իմաստներով և իր խնդրի հետ լինում է ժամանակի պարագա: Օրինակ՝ «Զոր ի նախնեացն ի հնոց ժամանակաց հետէ միամտութեամբ առ ձեզ արշակունիս վաստակեալ եմք» (Բուդ., էջ 203): «Որ ի նախնեացն հետէ մոլորեալ դանդաղեցին» (Աղաթ., էջ 259):

Մեկուսի բառը, բացի ածականական և մակբայական կիրառությունից, զործածվում է նաև իբրև նախադրություն: Դրվում է խնդրից առաջ և արտահայտում «մի կողմ», «հեռու», «զատ», «առանձին» իմաստները: Իր խնդրի

¹³ Տվյալ հրատարակությունում առանց ի (ու) նախդրի է, որը հավանաբար տպագրական վրիպակ է:

հետ միասին լինում է տեղի պարագա: Օրինակ՝ «Ապա բռնադատեսց գնա Յոհան, իջոյց ի ձիոյ անտի. և առ տարաւ զնա մեկուսի ի մանապարհէն» (Բուզ., էջ 226):

Սահմանափակ գործածությամբ որպէս նախադրություն հանդես են դալիս նաև որիշ, ուրոյն մակբայները, որոնք դրվում են իրենց խնդրից հետո և արտահայտում են «զատ», «մեկուսի», «առանձին», «առանց», «բացի» իմաստները: Օրինակ՝ «...բերիցէ... և թուզն զտեսիլ իւրոյ տերևոյն և զարար կեղևոյն և զտարր մրգոյն ի նմանէ որիշ. և այլքն ի նմանէ ուրոյն» (Ագաթ., էջ 330):

Երբեմն ուրոյն նախադրությանը հավելագրվում է առանց-ը, որտեղ խընդիրն ստանում է ուրոյն-ը: Օրինակ՝ «Իսկ մեզ կարևորքն առանց ուրոյն ի մարդկան աղանդէն չիք հնար լինել» (Բուզ., էջ 78):

Ի վեր միջտ դրվում է խնդրից հետո և արտահայտում է «վեր», «վերև», «ավելի վեր», «ավելի բարձր» իմաստները: Օրինակ՝ «Եդ կրօնս Պիթադորաս... ի լուսնոյ և ի վեր զամենայն ինչ որ է՝ անմահ համարել» (Եզն., էջ 204): «Կարի անարժան գործ էր, և ի լուսնոյ ի վեր զամենայն ինչ անմահ համարել» (Եզն., էջ 223):

Կործիական խնդրով նախադրություններ — Գրաբարում գործիական հոլովով խնդիր են ընդունում զառաջեալ¹⁴, հանդերձ, շուրջ, չափ և այլ նախադրություններ: Բացի դրանցից, մի քանի այլ նախադրություններ (ինչպես՝ իբր. իբրև, որպէս և այլն), իրենց հիմնական խնդրառությունից զատ, խնդիր են վերցնում նաև գործիական հոլովով:

Ձառաջեալ նախադրությունը ունի նախադաս գործածություն, արտահայտում է «առջև», «դեմք», «դիմաց» իմաստները և իր խնդրի հետ լինում է տեղի պարագա: Օրինակ՝ «Զհռնաստուն էր սա եպիսկոպոսապետին ներսէսի, զառաջեալ իւրով զսա էր սնուցեալ» (Բուզ., էջ 89):

Նույն կիրառությամբ գործածվում է նաև զառաջեալ ձևով: Օրինակ՝ «Եւ ետ ածել զԱրշակ արքայ Հայոց զառաջեալ իւրով» (Բուզ., էջ 141):

Ետադաս գործածության ժամանակ զ նախդիրը անջատվում է բառից և անցնում խնդրից առաջ, իսկ առաջն բաղադրիչը դրվում է խնդրից հետո, այսպես՝ «Եւ հրամայէր զնա կապել զիւրով առաջն» (Բուզ., էջ 59):

Տվյալ շրջանի մատենագրության մեջ այդպիսի գործածության հանդիպում ենք Բուզանդի մոտ:

Ձառաջեալ-ին հոմանիշ են առաջի և յանդիման նախադրությունները, որոնք խնդիր են վերցնում սեռական հոլովով: Օրինակ՝ «Եւ ածին գորիգորիոս առաջի թագաւորին» (Ագաթ., էջ 30): «Յայնժամ հրաման ետ, և ածին զՏրդատիոս յանդիման թագաւորին» (Ագաթ., էջ 28): «Ապա կոչեն զՄուշեղ զառաջեալ արքային» (Բուզ., էջ 163):

Հանդերձ. գրաբարի ամենատարածված նախադրություններից մեկն է: Ունի և՛ նախադաս, և՛ ետադաս գործածություն: Արտահայտում է միասնության գաղափար՝ «հետ», «միասին», «հանդերձ», «մեկտեղ» նշանակությամբ և իր խնդրի հետ դառնում միասնության պարագա: Իր ցույց տվող բառերի հետ գործածվելիս՝ արտահայտում է գործիական հոլովի իմաստ: Օրինակ՝ «Հնադանդեւոց է փրկչին մերում հանդերձ մահուամբ և սատանայ» (Եզն., էջ 184): «Զոր առեալ Վահանայ և Հմայեկի... հանդերձ աշխարհական ամբոխի... յՕ--

¹⁴ Սա խնդիր է ստանում նաև սեռական հոլովով:

շական ելանէին» (Կոր., էջ 94): «Հաւնդերձ սաղմոսիւք և օրհնութեամբ, կանթեղիւք վառելովք և մեծապաշամամբք և բազում յիշատակօք զսուրբն յուղարկեցին» (Բուդ., էջ 184): «Զի Հայր ինձ վկայէ Հոռովն հաւնդերձ ճշմարտութեամբ» (Ագաթ., էջ 223): «Եւ յետ առնելոյ զաշխարհս ել ինքն զօրօքն հաւնդերձ յերկինս» (Եզն., էջ 243):

Հաւնդերձ նախադրութեան շարադասութեան համար օրինաչափություն գտնելը դժվար է, որովհետեւ մի մատենագիր գերադասում է նախադաս գործածությունը, իսկ մյուսը՝ հետադաս: Ագաթանգեղոսի երկում գործածված 86 դեպքից 61-ը հետադաս է, 25-ը՝ նախադաս, Կորյունի «Վարք Մաշտոցում» 33-ից 30-ը նախադաս է, 3-ը՝ հետադաս, Բուդանդի գրքում 85-ը նախադաս է, 19-ը՝ հետադաս, իսկ Եզնիկի երկում 4-ը նախադաս է, 2-ը՝ հետադաս:

Բուդանդի մոտ սրան մի անգամ հանդիպում ենք սեռական խնդրով, այսպես՝ «Ըստ հաւատոցն ձերոց բժշկէ զսա Բրիստոս ծնունդ Աստուծոյ, և բարեմիտ ողջանդամ յարիցէ նա առաջի քո, և հաւնդերձ արքայութեանն նորոգութեանն՝ անմահութեանն յաւերժ բարեաց ևս արժանի արասցէ զձեզ» (Բուդ., էջ 73):

Ետմետրոպոլիտ շրջանի մատենադրութեան մեջ գործածվում է ոչ միայն սեռական, այլև տրական խնդրով:

Շուրջ. սա ևս գրաբարի հաճախակի գործածվող նախադրություններից է. Պահանջում է զ նախդիրը կրող գործիական հոլովով խնդիր, որից առաջ է դրվում և արտահայտում է տարածական հարաբերություն՝ «շուրջը», «շորս կողմը» նշանակությամբ: Իր խնդրի հետ լինում է տեղի պարագա: Օրինակ՝ «Բակ առնալ ծրանայ շուրջ զնովալ» (Եզն., էջ 187): «Եւ նստան շուրջ դերգան ամիսք երեքտասան» (Բուդ., էջ 144): «Փուշքն ի քում յարութեանն շուրջ դբև բուսանիցին» (Ագաթ., էջ 337):

Չափ գոյականը երբեմն գործածվում է իբրև նախադրություն, դրվում է խնդրից հետո և արտահայտում է բաղդատական հարաբերություն՝ «պես», «չափ» իմաստներով: Իր խնդրի հետ լինում է ձևի կամ չափի պարագա: Օրինակ՝ «Որք... մահու չափ վասն կենդանի յուսոյն... մատենեցին զանձինս ի կորուստ մարմնոց» (Եզն., էջ 240): «Պարտ է կրօնաւորին արեամբ չափ հակառակ կալ ընդէմ մարմնական ցանկութեանց» (Եզն., էջ 310):

Նախադրությունների ուսումնասիրությունը հանգեցնում է հետևյալ եզրակացություններին.

ա) դասական գրաբարով հայ ինքնուրույն մատենագրության մեջ տրական, հայցական, բացառական և գործիական հոլովների հետ գործածվել են շուրջ հինգ տասնյակ նախադրություններ և իբրև նախադրություն հանդես եկող բառեր:

բ) Դրանց մի մասը իր խոսքիմասային հիմնական և սկզբնական արժեքով պատկանում է այլ խոսքի մասերի (ածական, մակբայ, գոյական, բայ), որոնք երկրորդաբար կիրառվում են նաև որպես նախադրություններ, ինչպես՝ կից, հակառակ, համաձայն, համեմատ, հաւասար, միաբան, նման, հեհուկս, թող, հույ, ի սակս, յայն սակս, յոր սակս, գաղս, զանխուլ, ընդհատ, մեկուսի, մերկ, որիշ, ուրայն, չափ և այլն:

գ) Եզնիկի, Կորյունի, Բուդանդի և Ագաթանգեղոսի երկերում հիշյալ նախադրություններն ու իբրև նախադրություն գործածվող բառերը հիմնականում ունեն նախադաս գործածություն:

УПОТРЕБЛЕНИЕ ПРЕДЛОЖНЫХ СЛОВ В ОРИГИНАЛЬНОЙ ЛИТЕРАТУРЕ НА КЛАССИЧЕСКОМ ДРЕВНЕАРМЯНСКОМ ЯЗЫКЕ

Ж. Б. ТОСУНЯН

Резюме

В трудах древнеармянских авторов V в. Езника Кохбаци, Фавста Бузанда, Корюна и Агафангелоса встречаются следующие предложные слова: առ բերեց, դէպ ի սիջի, հակառակ, հանգոյն, միարան, նման (с дательным падежом); դէպ ի թող, իբր, իբրեւ, հուպ, մեղծ, մինչ, մինչեւ, մօտ, ողպէս, ի սակս, քան (с винительным падежом); քաց, քայց, գաղտ, գանխով, գառ, հեռի, հեռէ, մեկուսի, ողիշ, ի վեր (с отложительным падежом); գառաջեալ, հանդեղծ, շուրջ, շափ (с творительным падежом) и т. д.

Эти предложные слова выражают отношения места, времени, причины, цели, сравнения, сопоставления, отрицания, образа действия, меры, количества и т. п., что подтверждается соответствующими примерами из произведений вышеуказанных авторов.